

gine Maria, respectu omnium creaturarum non unitarum, fuit gratia summa, fuit gratia in summo: ergo appropinquat ad primam lucem in summo: ergo puritas in summo: puritas enim sequitur naturam luminis, & luminosi. Etiam Lucae I. dicitur: Ne timeas Maria, invenisti enim gratiam apud Deum. Quae verba sic explicantur ab Andrea Hierosolymitano: Nacta est enim gratiam apud Deum, quam Eva perdidit: ab Idiota lib. contemplationis de Virgine cap. 6. Gratiam apud Deum singularem, o dulcissima Virgo, invenisti, quia fuerunt in te ab originali labe preservatio, angelica saluatio, & Spiritus Sancti superventio: ab Hugone Cardinali in Canticor. 8. Invenisti pacem, quam perdidit primi Parentes. Ex quibus verbis sic possumus argumentari: Maria gratiam invenit: ergo invenit gratiam deperditam; sed gratia deperdita fuit illa, quam perdidit Eva: ergo invenit gratiam, quam perdidit Eva; Sed gratia, quam perdidit Eva fuit gratia originalis: ergo Maria invenit gratiam originale. Ad Romanos 5. 15. Non sicut delictum, ita & donum: si enim unius delicto multi mortui sunt, multo magis gratia Dei, & donum in gratia unius hominis Jesu Christi in plures abundavit. Hinc fit, quod si gratia Christi in plures abundavit, quam Adae delictum, opus est, ut gratia Christi ad aliquos derivata fuerit; quos Adae delictum non inquinaverat; sed haec esse non potuit, nisi sanctissima ejus Genitrix: ergo, ut verificetur Apostoli oraculum, oportet fateri, B. Virginem fuisse ab originali labe preservatam. Ad quae coherenter scripsit Scotus in 3. dist. 3. qu. 1. Perfectissimus Mediator habet perfectissimum actum mediandi respectu alicujus personae, pro qua mediat: sed Christus est perfectissimus Mediator: igitur Christus habuit perfectissimum gradum mediandi possibilem, respectu alicujus creaturae, sive personae, respectu cujus erat mediator; sed respectu nullius personae habuit excellentiorem gradum, quam respectu Mariae.

III. Probatur ex Romanis Pontificibus. Sixtus IV. in decreto 2. de Conceptione Mariae Virginis: „ Sane cum Sancta Romana Ecclesia de intemeratae semperque Virginis Mariae Conceptione publicae festum solemniter celebret, & speciale, ac proprium, super hoc officium ordinaverit, nonnulli, ut accepimus, diversorum Ordinum praedicatores in suis sermonibus ad populum affirmare haecenus non erubuerunt, omnes illos, qui tenent, & asse-

P.A.R.I.F.

„ runt, eandem gloriosam, & immaculatam Dei Genitricem absque originalis peccati macula fuisse conceptam, mortaliter peccare, vel esse haereticos: ejusdem immaculatae Conceptionis officium celebrantes, audientesque sermones illorum, qui eam sine hujusmodi macula conceptam esse, affirmant, peccare graviter &c. Nos hujusmodi temerariis ausibus, & perversis assertionibus, obviare volentes, hujusmodi assertiones Praedicatorum eorundem, & aliorum quorumlibet, qui affirmare praesumunt, eos, qui credunt, aut tenent, Dei Genitricem ab originalis peccati macula in sua Conceptione preservatam fuisse, propterea alicujus haereseos labe pollutos fore, vel mortaliter peccare: aut hujusmodi officium Conceptionis celebrantes, alicujus peccati reatum incurrere: utpote falsas, & erroneas, & a veritate penitus alienas, editosque desuper per libros praedictos, id continentibus, quo ad hoc, auctoritate apostolica, tenore praesentium reprobamus, & damnamus. Eiusdem Pontificis est constitutio, quae incipit: Cum praecelsa, edita anno 1476. Kalen. Maii, Pontificatus sui anno sexto, in qua haec leguntur: „ Quod omnes, & singuli Christi fideles utriusque sexus, qui Missam, & officium Conceptionis ejusdem Virginis gloriosae, juxta piam, devotam, & laudabilem ordinationem, sancti filii Magistri Leonardi de Nogarolis, Clerici Veronensis, Notarii nostri, & quae desuper a Nobis emanavit Missae, & Officii hujusmodi institutionem in die festivitatis Conceptionis ejusdem Virginis Mariae, & per octavas ejus devote celebraverint, & dixerint, aut illis horis Canonicis interfuerint, quoties id fecerint, eandem prorsus indulgentiam, & peccatorum remissionem exinde consequantur, quam juxta felicis recordationis Urbani IV. in Concilio Viennensi, approbatas, & Martini V. & aliorum Romanorum Pontificum praedecessorum nostrorum constitutiones, consequuntur illi, qui Missam, & officium, & horas Canonicas in festo Corporis Christi, & Sanguinis Domini Nostri Jesu Christi a primis Vesperis, & per illius octavas, juxta Romanae Ecclesiae institutionem celebrant, aut dicunt, aut Missae, & Officio, & horis hujusmodi interfuerint; praesentibus futuris temporibus valituris. Gregorius XI., Urbanus VI., & Bonifacius IX. approbarunt relationes Sanctae Brigittae, in quibus lib. 6. verba haec conti-

G 2 ncn-